

## КУНТАРТИБИ

### **Ўзбекистон Республикаси Рақобатни ривожлантириш ва истеъмолчилар ҳуқуқларини ҳимоя қилиш қўмитасининг 2024 йил якунлари сарҳисоби ва 2025 йилда амалга ошириладиган истиқболли режалар.**

*(Ш.Шарахметов, Х.Худойбердиев, М.Сафаров, Д.Мирзаев, Р.Джураев, З.Вахидов, О.Насиров, Л.Ачилова, К.Ниязов, М.Акрамова, Р.Назаров, Л.Николенко, Ш.Латилов, Б.Атаханов, О.Усмонов)*

**Раислик** этувчи **Диёр Мирзаахмедов** сўзга чиқиб, Рақобат қўмитасининг 2024 йил давомидаги якуний кўрсаткичлари ва 2025 йилда амалга оширилиши кўзда тутилган стратегик йўналишлар белгилаб олиниши ҳамда мамлакатда соғлом рақобат муҳитини шакллантириш бозор иқтисодиётининг муҳим тамойили бўлиб хизмат қилишини, у иқтисодий ривожланиш, инновациялар жорий қилишга тўртки беришига алоҳида тўхталиб ўтди.

Жамоатчилик кенгашининг бугунги йиғилиши кун тартибига киритилган масала ушбу мамлакатда маъмурий-ислохотларни амалга ошириш чора-тадбирлари билан боғлиқ эканлигига эътибор қаратиб, Жамоатчилик кенгашининг аъзоларининг ҳар бир фикр-мулоҳаза, таклиф-тавсиялари Қўмита фаолиятида муҳим аҳамият касб этишини қайд этди.

**Кун тартибида масала** юзасидан Жамоатчилик кенгаши аъзоси, Рақобатни ривожлантириш ва истеъмолчилар ҳуқуқларини ҳимоя қилиш қўмитаси раиси жамоатчилик билан алоқалар бўйича маслаҳатчиси **О.Усмонов** сўзга чиқиб, Рақобатни ривожлантириш ва истеъмолчилар ҳуқуқларини ҳимоя қилиш қўмитасининг 2024 йил давомида товар ёки молия бозори таҳлил қилингани, Давлат ва хўжалик бошқаруви органлари ҳамда маҳаллий давлат ҳокимияти органлари томонидан [project.gov.uz](http://project.gov.uz) портали орқали Қўмитага келиб тушган норматив-ҳуқуқий ҳужжатлар

лойиҳаларини (ex-ante) рақобат муҳитига таъсирини баҳолаш ҳолатларини, Товар-хом ашё биржаларини лицензиялаш ва харид тизимларни назорат қилиш йўналишида ишлар олиб борилганини, тартибга солинадиган нархлар ва тарифларни таҳлил ва назорат қилиш ҳамда табиий монополия субъектларини тартибга солиш, давлат харидларида рақобатни таъминлаш, инсофсиз рақобат амалиётларига, тил бириктиришлар ва картел келишувларга қарши курашиш, иқтисодий концентрация устидан назорат қилиш, истеъмолчилар ҳуқуқларини ҳимоя қилиш ва реклама фаолиятини тартибга солиш, юридик соҳада амалга оширилган ишлар, норматив-ҳуқуқий базани такомиллаштириш, жамоатчилик билан алоқаларни ташкил этиш, халқаро ҳамкорлик ва Рақобат қўмитаси фаолиятини рақамлаштириш соҳаларида амалга оширилган ишлар борасидаги асосий кўрсаткичларга алоҳида тўхталиб ўтди.

Шундан сўнг, Жамоатчилик кенгаши иштирокчилари Қўмита 2025 йилда ҳам ўз олдига бир қатор амалга ошириладиган истиқболли режалар қўйганини бу режалар бозорда соғлом рақобат муҳитини таъминлаш ва истеъмолчилар ҳуқуқларини янада мустаҳкамлашга қаратилган қуйидаги **Қонунчиликни такомиллаштириш** (*Рақобат ва истеъмолчилар ҳуқуқларини ҳимоя қилиш соҳасидаги қонунлар халқаро стандартларга мувофиқлаштириш ва Янги норматив-ҳуқуқий ҳужжатларни ишлаб чиқиш орқали бозорда соғлом рақобат муҳитини таъминлаш*), **Монополияга қарши курашишни кучайтириш** (*Монополияга қарши назоратни кучайтириш учун бозор мониторинги тизими такомиллаштириш, Монополияга қарши қонунбузарликларни тезкор аниқлаш ва уларга қарши курашиш бўйича замонавий усуллар жорий этиш*), **Истеъмолчилар ҳуқуқларини ҳимоя қилиш** (*Истеъмолчилар ҳуқуқларини ҳимоя қилиш борасида аҳолининг ҳуқуқий саводхонлигини ошириш учун махсус дастурлар ишлаб чиқиш, Истеъмолчилардан келиб тушган мурожаатларни кўриб чиқиш жараёнлари соддалаштириш ва*

уларнинг сифатли ҳал этилиши таъминлаш), **Рақобат муҳитини яхшилаш** (Тадбиркорлик субъектлари учун тенг шароитлар яратишга қаратилган ислоҳотлар амалга ошириш, Хусусий секторда соғлом рақобат муҳитини таъминлаш учун қўшимча молиявий ва ҳуқуқий кафолатлар яратиш) борасидаги амалга ошириладиган истиқболли стратегик йўналишларда ишлар олиб бориш кераклиги, бу йўналишлар 2025 йилда Ўзбекистон бозорларида рақобатни ривожлантириш, истеъмолчилар ҳуқуқларини ҳимоя қилиш ва тадбиркорлар учун тенг имкониятлар яратишда муҳим аҳамият касб этиши ҳамда мамлакат иқтисодий барқарорлигини ошириш ва аҳоли фаровонлигини таъминлашга хизмат қилиш борасидаги масалалар кўриб чиқилди ва муҳокама этилди.

**Юқоридагилардан келиб чиқиб, Жамоатчилик кенгашининг  
умумий йиғилиши қарор қилади:**

**1.Жамоатчилик кенгаши раиси Д.Мирзаахмедов** ва **О.Усмонов** томонидан билдирилган фикр-мулоҳазалар маълумот учун қабул қилинсин.

**2.Жамоатчилик кенгаши аъзолари** томонидан билдирилган фикр-мулоҳазалар инобатга олиниб, тегишли тартибда кенгаш ишчи гуруҳи томонидан таклиф ва тавсиялар ишлаб чиқилсин.